



BÍBÍ & Blaka

<http://www.bibiogblaka.is>



Frí heimsending.

Mikið úrval af falletum fötum, fylgihlutum á börn frá 0-12 ára



börn

FIMMTUDAGUR 29. MAÍ 2008



Gripið í spil
Í versluninni Spila-
vinum fá allir að spila.
BLS. 2



Lítill í upphafi
Sigríður Björk Þómar
rekur verslun af hug-
sjón.
BLS. 6



FRÉTTABLAÐIÐ

FRÉTTABLAÐIÐ/ARNÞÓR

© Inter IKEA Systems B.V. 2008

Skemmtilegri barnaherbergi!

6.990,-
IKEA PS LÖMSK hægindastóll,
rautt/appelsínugult B59xD62, H75 cm.

2.990,-
EKORRE rugguelgur
rautt/birki L73xB29, H52 cm.

Opið virka daga kl. 10:00-20:00 | Laugardaga kl. 10:00 - 18:00 | Sunnudaga kl. 12:00 - 18:00 | www.IKEA.is

NÝTT Á GRAS.IS



**ÞAR SEM ALLT SNÝST
UM FÓTBOLTA!**



**NÚ FÆRÐU GRAS.IS
FÉTTIR Í SÍMANN!**

Vodafone live!



Einstakur töframaður

Einar einstaki er yngsti alvöru töframaður lýðveldisins, aðeins tólf ára gamall. Á Akureyri spilar hann fótbolta og ber út blöð á milli þess sem hann situr á skólabekk og æfir sig í töfrabrogðum, en ótrúlega hæfni Einars einstaka má sjá á www.youtube.com.

Hvernig kom það til að þú fórst að stunda töfrabrogð?

Þetta byrjaði allt þegar Jón Víðis Jakobsson gaf út Töfrabrogðabókina og sýndi töfrabrogð á Glerártorgi fyrir jólin 2005. Þá var ekki aftur snúið því ég heillaðist upp úr skónum og fékk svo bókina í jólagjöf frá Jóel, bróður mínum, og byrjaði að æfa mig. Sumarið 2006 fórum við fjölskyldan svo til Danmerkur á dönskunámskeið og þar var dótubúð með fullt af töfrasettum til sölu og ég fékk eitt í afmælisgjöf frá mömmu og pabba. Einnig var þar strákur sem passaði litlu krakkana og kundi sjónhverfingar, og ekki minnkaði áhuginn við það.

Tekur langan tíma að verða góður að gera töfrabrogð?

Já, maður þarf virkilega að æfa sig og allur minn frítími fer í að æfa mig, velta fyrir mér töfrabrogðum og sjá hvort ég ráði við hin ýmsu trikk. Ég fæ líka mikla hjálp frá pabba, sem er minn stuðningsmaður númer eitt.

Ertu í töframannafélagi?

Ég þarf að vera orðinn átján ára til að fá aðgang að Hinu íslenska töframannagildi, en ég hef sett mig í samband við þá og þeir hafa tekið mér alveg sérstaklega vel, sent mér gjafir, góð ráð og sumir hitt mig.

Hvernig útskýrir þú galdurinn á bak við töfrabrogð?

Þetta eru bara sjónhverfingar til að blekkja auga þess sem horfir á mig og fær fólk til að trúá því sem það vill sjá. Sumt er rosalega erfitt en margt mjög einfalt þótt alltaf sé mjög mikil vinna á bak við einföld atriði svo ekki komist upp um trikkið.

Hver eru uppáhaldstöfrabrogðin þín?

Mér finnst skemmtilegast að sýna galdra með rauðum svampboltum og henda frá mér pappírslusli sem endar sem langur, langur strimill í munni mínum.

Hvað ætlar þú að verða þegar þú ert orðinn stór?

Fyrst ætlaði ég alltaf að verða múrari því afi minn og föðurbróðir eru báðir múraranir og þegar þeir byggðu húsið hans afa var stór sandhóll á stofugólfinu þar sem ég lék með skóflu og þóttist vera múrari. Í jarðarförinni hennar ömmu varð ég staðráðinn í að verða prestur, en núna kemst ekkert að í framtíðinni annað en að vera töframaður. Ég þarf samt að læra eitt-hvað skemmtilegt líka til að vinna með töfrabrogðunum.

Byrðu til þín eigin töfrabrogð?

Það kemur fyrir, en oftast þróa ég þau og æfi þannig að þau henti mér best og tengi saman við önnur svo að úr verði ein heild. Hvert atriði tekur frá þremur sekúndum upp í tvær mínútur.



Einar Aron Fjaláson er tólf ára skólastrákur á Akureyri sem einnig stendur í fremstu röð íslenskra töframanna, en stórkostlegt er að fylgjast með Einari einstaka framkvæma fjölbreyttar sjónhverfingar.

FRÉTTAHLAÐIÐ/ARNÞÓR

Hvernig kom listamannsnafnid Einar einstaki til?

Ég vildi hafa það Einar-eitthvað en vissi ekki hvað, svo ég spurði pabba og hann reiddaði mér. Mér fannst nafnið strax passa því ég er auðvitað einstakur, eins og strákarnir í Hinu íslenska töframannagildi hafa sagt. Þeir hafa hvatt mig til að vera ég sjálfur, vera Einar einstaki og enginn annar og herma aldrei eftir öðrum.

Ertu orðinn frægur?

Margir í skólanum vita hver ég er, sérstaklega eftir öskudaginn þegar vinur minn trommaði undir töfrabrogð sem ég sýndi í búðum í stað þess að syngja, en við fengum mjög mikið nammi að launum.

Áttu orðið mikið af töfradóti?

Já, ég á orðið mjög stórt safn, get sýnt fimmtíu trikk og kann miklu fleiri. Ég veit hvernig fólk er sagað í sundur, hvernig fólk er breytt í tigrisdýr í búri og hvernig fíll hverfur ef maður smellir fingrum, en þannig trikk eru rosalega dýr. Pabbi pantar mikið af dóti í gegnum netið og þá fyrir aðra í fjölskyldunni líka svo allir geti gefið mér. Mamma er mest ánægð með mig í töfrabrogðum vegna þess að nú þarf hún ekki að hafa áhyggjur af því

hvað á að gefa mér í afmælis- og jólagjafir.

Hvar er hægt að sjá þig sýna listir þínar?

Ég sýni fullt af töfrabrogðum á www.youtube.com undir Einar einstaki, og býð upp á tuttugu mínútna töfrasýningu gegn vægu gjaldi, eða 2.000 krónur, sem er tilvalin uppákoma í barnaafmælum og við önnur tilefni.

Áttu þér fyrirmynd meðal töframanna?

Fyrirmynd mín er allir góðir töframenn. Við stöndum saman og þekkjumst innbyrðis, en það er ófrávikjanleg regla að endurtaka aldrei töfrabrogð og segja aldrei frá neinum trikkum.

Ertu samt ekki til í að útskýra hvernig þú gerir galdurinn með rauða boltann?

Aldrei. Það bara gerist ekki.

Ekki séns?

Nei, þá sleppi ég frekar að koma fram í þessu blaði.

Þeim sem vilja hafa samband við Einar einstaka eða panta hjá honum töfrasýningu er bent á netfang hans: einareinstaki@gmail.com.